

證治準繩

幼科集之二下

漢書門	一	二	三	四
類號函架冊	八	一〇	一〇	八

內閣文庫	漢書
類號冊架	三〇一

內閣文庫	
番號	漢 12548
冊數	80 (48)
函號	301 61



五藏六府之精榮衛魂魄之所常營也

眼目

薛經曰目者五藏六府之精榮衛魂魄之所常營也
 神氣之所常主也又曰諸脉者皆屬於目目得血而
 能視五藏六府精氣皆上注於目而為之精故白睛
 屬肺黑睛屬肝瞳人屬腎上下胞屬脾兩眦屬心而
 內眦又屬膀胱五藏五色各有所司心主赤赤甚心
 實熱也用導赤散赤微者心虛熱也用生犀散肝主
 青青甚者肝熱也用瀉青丸淡青者肝虛也用地黃
 丸脾主黃黃甚者脾熱也用瀉黃散淡黃者脾虛也

眼目

卷之三

百五十四

用異功散目無睛光及白睛多黑睛少者肝腎俱不足也用地黃丸加鹿茸晝視通明夜視罔見者因稟陽氣衰弱遇夜陰盛則陽愈衰故不能視也用冲和養胃湯凡赤脉翳物從上而下者屬足太陽經用東垣選奇湯從下而上者屬足陽明經用局方流氣飲蓋翳膜者風熱內蘊也邪氣未定謂之熱翳而浮於外邪氣已定謂之冰翳而沈於內邪氣既深謂之陷翳宜升發之退翳之藥佐之若上眼皮下出黑白翳者屬太陽寒水從外至內者屬少陽風熱從下至上綠色者屬足陽明及肺腎合病也疳眼者因肝火濕

熱上衝脾氣有虧不能上升清氣故生白翳睫閉不開眵淚如糊久而膿流遂至損目用益氣聰明湯茯苓瀉濕湯及四味肥兒丸目閉不開者因乳食失節或過服寒涼之藥使陽氣下陷不能升舉故目不開用柴胡復生湯若胃氣虧損眼睫無力而不能開者用補中益氣湯暴赤腫痛者肝火熾盛也用龍膽瀉肝湯多淚羞明者肝心積熱也用生犀散亦有肝腎虛熱者用地黃丸風沿爛眼者膈有積熱也用清胃散時時作痒者濃漬生蟲也用點藥紫蘇膏眼睫連割者肝經風熱也用柴胡清肝散若生下目黃壯熱

大小便秘結乳食不思面赤眼閉者皆由在胎時感
母熱毒所致兒服瀉黃散母服地黃丸若乳母膏粱
積熱致兒目黃者令母服清胃散若肢體面目爪甲
皆黃小便如屋塵色者難治又有痘疹後餘毒未盡
上侵於目者屬腎肝虛也用滋陰腎氣丸前證多宜
審治其母無調其兒

初生眼不開

胎赤

並見初
生門

目赤腫痛

曾熱極挾風則目赤腫痛晝夜不開驚啼

不已先用九仙散水薑葱煎服次三解散溫米泔水

調下及點以黃連膏 若夫天行時證暴赤腫痛晝
夜苦甚久則昏矇治法先以九仙散解表次以小柴
胡湯去半夏加大黃薄荷竹葉生地黃水煎服併投
草龍膽散及點以黃連膏貼以清涼膏 有孩兒胃
氣素虛脾氣實盛眼胞赤腫羞澁不開遽按苦寒之
劑以退赤腫反傷脾胃不吐則瀉或四肢微冷復以
溫藥調治則目疾轉加宜先用咬咀五苓散水薑燈
心煎服次投瀉黃散自愈 有心脾蘊熱經久及肝
受邪熱致兩目羞明眼胞浮腫微有紫色大腑閉或
流利小便澀或通順先以百解散發表次投明目飲

自然平復仍忌酒葷三五日 有小兒薄劣多致塵
埃塵入目揩摩成腫發熱作痛啼哭不已宜用辟塵
膏治之立效

湯導赤散 治心熱小便赤眼目赤腫

赤芍藥

羌活

防風

各半兩

大黃

甘草

各壹錢

右為末燈心黑豆同煎食後服

余平生無赤眼之患用之如神大人小兒可通用凡
眼赤澁之初只用自已小便張日溺出用一指接抹
眼中便閉日少頃即効此以真氣逼去邪熱也

本治小兒赤熱腫眼

大黃

白礬

各等分

右為末同冷水調作罨子貼眼立効

小防風湯 治小兒熱毒眼患

大黃

蒸

山梔子

甘草

炙

赤芍藥

川當歸

洗

防風

羌活

各等分

右剉碎每服五錢水一鍾煎至五分食後服

小流氣飲 治小兒風毒眼患

蟬蛻

去足

甘草

羌活

天麻

川當歸

防風

大黃

薄荷

赤芍藥

杏仁 各等分

右剉碎每服五錢水一鍾煎至五分食後服

小菊花膏 治小兒積毒眼患

黃連

黃芩

大黃

菊花

羌活

蒼朮 米泔浸

荆芥穗

防風

右各等分為末煉蜜和膏如小指頂大每服一餅

細嚼白湯嚥下不拘時服

通頂散 治眼疼風熱腫脹作楚

瓜蒂

藜蘆 各壹錢

皂角肉 半錢

麝香 少許 研

右為細末研勻每少許吹入鼻中

九仙散 解諸目疾不拘歲月遠近並宜先服

柴胡 去蘆

蒼朮 米泔浸刮去麩皮 剉炒燥各貳兩

赤芍藥

荆芥

甘草 各陸錢半

麻黃 剉去節湯泡濾焙乾

川芎

薄荷 連梗各半兩

旋復花 去老梗 參錢

右碎每服二錢水一椀薑一片葱一根煎七分不

拘時溫服

三解散 一名寧心湯

主上焦蘊熱傷風面紅目赤狂躁

氣急渴水驚啼煩悶丹毒口瘡痰嗽搐掣

人參 去蘆

防風 去蘆

天麻

茯神 去皮木

鬱金 無以山梔仁代

白附子

大黃 各煎錢半

赤芍藥

黃芩

僵蠶 各伍錢

全蝎 拾伍尾去尖毒

枳殼 水浸去瓢麩炒或錢

粉草 陸錢

右焙為末每服半錢至一錢用溫荷湯無時調下

或燈心湯

草龍膽散 治暴赤火眼晝夜澁痛作腫淚多

草龍膽

木賊 去節

荆芥

菊花

防風 去蘆

草決明 半生半炒

甘草 柴味各半兩

右剉每服二錢水一盞煎七分無時溫服痛甚加

羌活乳香同煎

明目飲 治心脾蘊熱肝受風邪致兩目羞明經久

不瘥

山梔仁

淨香附 各壹兩

夏枯草 去梗半兩

右剉每服二錢水一盞蜜一匙煎七分無時溫服

金波散 治時行赤眼腫痛成翳有熱多淚

淨黃連 壹兩 鵬砂 寒水石

大黃 各貳錢 海螵蛸 銅青 各壹錢

玄明粉 貳錢 全蝎 去尖毒 柒枚 麝香 壹字

右除玄明粉麝香餘七味剉晒為末仍入玄明粉麝香乳鉢內同前藥末杵勻每用一字至半錢溫淨湯或凉水調化澄清去滓無時頻洗有風夾蟲作痒入輕粉取效仍忌酒葷三五日

黃連膏 治時行火眼赤腫澀痛晝夜煩啼

淨黃連 貳錢半

右件細剉雞子一枚筋背札開一頭大處取清瓦盞盛入黃連和勻釀一時見黃色以絹濾過成膏患者仰面卧外令人挑一字許頻點目內覺口中有苦味滿舌上藥之驗也豆瘡餘毒攻眼眵多有熱用之驗

清涼膏 治暴赤火眼腫痛及血癩作疼發熱

大黃 淨黃連 黃檗

赤葛 細辛 和葉 薄荷葉

風化朴硝 柒味各壹兩

右前六味或晒或焙為末臨入朴硝乳鉢內同杵

勻每用一錢至二錢冷水加薑汁調塗太陽或新
汲井水調妙熱癰以涼米湯水調搽患處

辟塵膏 治小兒塵埃入目指成腫熱作痛啼哭不
已

右以油煙細墨新汲井水濃磨入玄明粉半錢和
勻為膏用筆多點目肉三五次即効仍忌飲酒一

晝宵

速効飲 治長成小兒因他物或跌着觸損兩目血

脹腫痛

荆芥穗

薄荷葉

微炒

草决明

微炒各壹胡

甘草

參錢生用

右為麤末和半生半炒芝麻等分抄二錢掌中盛

乾嚼之味盡吐去粗如此法投三五次即効

薛 一小兒目赤作痛咬牙寒熱余謂肝經風熱用柴

胡飲子一劑而赤痛止又用四物參芪白朮柴胡而

寒熱退又用補中益氣湯而飲食加 一小兒眼素

白或青患眼赤作痛服降火之劑眼如血貫脉洪大

或浮緩按之皆微細用十全大補湯加柴胡山梔數

劑外證漸退而脉漸斂又數劑而愈 一小兒患眼

赤痛服大黃之藥更加寒熱如瘧余謂脾胃復傷用

四君升麻柴胡炮薑釣藤鉤而寒熱愈又用補中益氣湯間服而目疾痊 一小兒目痛恪服瀉火治肝之藥反加羞明隱澁睡中驚悸悲啼此肝經血虛火動傷肺也用五味異功散加山梔補脾肺清肺金用地黃丸滋腎水生肝血而安仍兼服四味肥兒丸而

龍膽瀉肝湯 方見血

生犀飲 方見心

生熟地黃散 治眼初患之時因候築到感肝受驚

風致目腫赤痛痒

生地黃 洗

熟地黃 各壹兩

麥門冬 去心伍錢

當歸

枳殼 米泔浸去穢炒

甘草 炙

防風

杏仁 湯泡去皮尖麩炒赤

赤芍藥 各貳錢半

右每服一錢黑豆七粒水煎服

犀角飲 治脾火眼疼

犀角 壹兩銹

射干

草龍膽 炒

黃芩 炒各伍錢

人參 貳兩

茯苓 貳錢五分

釣藤鉤 柒錢半

甘草 叁錢

右每服一錢水煎

東垣廣大重明湯 治兩瞼或兩眦赤爛熱腫疼痛

及眼胞痒極抓之至破爛赤腫眼楞生瘡痂目多

眵淚隱澀難開

草龍膽

防風

生甘草根

細辛苗葉

各壹錢

右用水一椀半煎龍膽至七分入餘藥再煎至半碗熱洗日五七次洗畢合眼須臾瘥

東垣助陽和血補氣湯 治發後熱壅白睛紅多眵

淚癰澁此過服涼藥而真氣不能通九竅也

防風

柒分

黃芪

壹錢

蔓荊子

白芷

各貳分

升麻

柒分

炙甘草

柴胡

當歸身

酒洗各伍分

水壹鍾煎至半鍾熱服

潔古方

治眼赤暴發腫

防風

羌活

黃芩

炒

黃連

炒各等分

右剉每服一錢水煎如大便秘加大黃貳分痛甚加

川當歸地黃

各貳分

煩躁不得卧加梔子仁叁分

保命點眼藥除昏退翳截赤定痛

當歸

黃連

各貳錢

防風

貳錢伍分

細辛

伍分

甘草

壹錢

右水一大碗文武火熬滴水不散為度入熟蜜

少許點用

柴胡復生湯 治紅赤羞明淚多眵少腦頂沉重睛
珠痛應太陽眼睫無力常欲垂閉久視則酸疼翳
下陷者

藁本

蔓荊子

川芎

羌活

獨活

白芷

各貳分半

白芍藥

炙甘草

薄荷

桔梗

各肆分

蒼朮

茯苓

黃芩

炒各伍分

柴胡

陸分

五味子

拾貳粒

右每服二錢水煎食後服

黃連羊肝丸

治目中赤脉洪甚眵多

黃連

為末不以多少

白羊肝

壹具

先以竹刀將羊肝刮下如糊除去筋膜再搗細入
黃連末丸桐子大每服十丸茶清送下

外障

小兒病目生翳不可輕用點藥只以服藥內消

為主看赤脉上下內外分經處治已見雜病第七卷
及前薛氏總論茲不贅錄 薛一女子年十四因恚
怒先月經不行寒熱脇痛後兩目生翳青綠色從外
至內余謂寒熱脇痛足厥陰之證也翳從外皆起足
少陽之證也左關脉弦數按之而瀉肝經風熱兼血
滯也遂以加味逍遙散加防風龍膽草四服而寒熱

勝痛頓減用六味九月餘而翳消 一小兒十五歲
兩目白翳腹膈遍身似疥非疥晡熱口乾形體骨立
此肝疳之證也用六味肥兒丸而痊後陰莖作痒小
便澄白瘡疥益熾狀如大風用大蘆薈四味肥兒丸
諸證漸愈又用大蕪荑湯而痊 一小兒九歲素有
肝火兩目生翳服蘆薈肥兒丸等丸隨愈至十四歲後
遇用心過度飲食不節即夜視不明用補中益氣湯
人參補胃湯四味肥兒丸而愈 一小兒眼每生翳
皆因乳母恚怒而作用九味蘆薈丸柴胡梔子散母
子並服而愈 一小兒乳哺失節服藥過劑腹脹少

食大便不調兩眼生花服治眼之藥漸生浮翳余用
異功散加當歸柴胡飲食漸進便利漸調少佐以九
味蘆薈丸其眼漸明乃用人參補胃湯肥兒丸而痊
一小兒十二歲傷寒咳嗽發熱服發散之藥目漸
不明服降火等藥飲食日少目漸生翳余謂中氣虛
用人參補胃湯飲食漸進又用千金補肝丸及薰眼
之法而痊 一女子十二歲目生白翳面黃浮腫口
乾便泄用四味肥兒丸而痊
本事方 治太陽寒水陷翳膜遮睛

防風

白蒺藜

各壹兩

羌活

壹兩半

甘菊花

參兩

右為末每服二錢入鹽少許百沸湯點服

保命羚羊角散 治水翳久不去

羚羊角

屑

升麻

細辛

各等分

甘草

減半

右為末一半煉蜜丸桐子大每服五七丸一半
泔水煎吞送九子熾發陷翳亦羚羊角散之類用
之在人消息若陰虛有熱者無服神仙退雲丸

東垣補陽湯

治陽不勝其陰乃陰盛陽虛則九竅
不通令青白翳見於大眥乃足太陽少陰經中鬱

遏厥陰肝經之陽氣不得上通於目故青翳內阻
也當於太陽少陰經中是九竅之下以益肝中陽
氣衝天上行此乃先補其陽後於足太陽標中瀉
足厥陰之火下伏於陽中內經曰陰盛陽虛則當
先補其陽後瀉其陰每日空心服升陽湯臨臥服
瀉陰丸須預期調養體氣和平天氣晴明服之補
其陽使上升通於肝經之末利空竅於目矣

羌活

獨活

當歸身

酒洗焙乾

甘草稍

熟地黃

人參

黃芪

白朮

各壹兩

澤瀉

橘紅 各半兩

生地黄 炒

白茯苓

知母 炒黃色 各參錢

柴胡 貳兩

防風

白芍藥 各伍錢

肉桂 壹錢

右每服五錢水煎空心服候藥力行盡方可飲食

東垣羌活退翳湯

柴胡

甘草

黃芪 各參錢

羌活

黃連

五味子

升麻

當歸身 各貳錢

風 壹錢 伍分

黃芩

黃檗 酒浸

芍藥

草龍膽 酒洗各伍錢

石膏 貳錢 伍分

右分二服水煎入酒少許臨卧熱服忌言語

謙甫五秀重明丸

治眼翳膜遮睛隱澁昏花常服

清利頭目

甘菊花 伍伯朶

荆芥 伍伯穗

木賊 去節伍百根

楮實 伍百枚

右為末煉蜜丸桐子大每服五十九白湯送下

鎮肝散 去痰熱退翳

胡黃連

梔子仁 各壹兩

甘草 微炙

馬牙硝

青箱子 各半兩

以上搗羅為細末次用

真珠末 研

牛黃 研各貳錢半

右件都拌勻細研每服壹錢水八分入荆芥薄荷各少許煎四分去滓溫服食後

井泉石散 治眼疳邪熱攻於眼目漸生障翳致損睛瞳

井泉石

壹兩

石決明

甘菊花

夜明沙

微炒

黃連

去鬚

晚蠶沙

微炒各半兩

右件搗羅為細末每服壹錢用米泔壹盞入生豬肝少許煎五分肝爛為度放溫時服乳食後羅氏煑肝散 治小兒疳眼翳膜羞明不見服十日必退如大人雀目者一服効

夜明沙

青蛤粉

穀精草

各壹兩

右件為細末每服壹錢五七歲已上貳錢純豬肝一大片批開糝藥在內攤勻麻線纏定以米泔半碗煮肝熟取出肝湯傾碗內熏眼分肝作三服嚼訖却用肝湯下一日三服不拘時候大人雀目空心服至夜便見物如患多時日二服 龍膽飲子 治疳眼流膿生疳翳濕熱為病神効不治寒濕為病者

青蛤粉

蛇蛻皮

穀精草

各半兩

羌活

草龍膽

各叁錢

麻黃

貳錢半

黃芩炒

升麻各貳錢

鬱金

甘草炙各半錢

右為細末每服二錢食後茶清調下

灸雀目疳眼法 小兒雀目夜不見物灸手大指甲

後一寸內廉橫紋頭白肉際各一壯炷如小麥大

小兒疳眼灸合谷二穴各一壯炷如小麥大在手大

指次指兩骨間陷中

內障東垣人參補胃湯 治勞役飲食不節內障眼

痛神効

黃芪根

人參各壹兩

炙甘草捌錢

蔓荊子

白芍藥炒

黃蘗酒拌炒肆次各叁錢

右每服二三錢水煎稍熱服臨卧三五服

冲和養胃湯 治內障初起視覺微昏空中有黑花

神水變淡綠色次則視岐觀則成二神水變淡白

色久則不觀神水變純白色

柴胡柒錢

人參

當歸

炙甘草

乾生薑

升麻

葛根

白朮

羌活各壹兩

防風伍錢

黃芪壹兩伍錢

白茯苓叁錢

白芍藥陸錢

五味子貳錢

右每服二錢水煎服

滋陰腎氣丸 治神水寬大漸散昏如霧露中行漸

觀空中有黑花視物二體久則光不收及內障神

水淡白色者

熟地黃 參兩

當歸尾

牡丹皮

五味子

乾山藥

柴胡 各伍錢

茯苓

澤瀉 各貳錢半

生地黄 酒炒 肆兩

右為末煉蜜丸如桐子大辰砂為衣每服十九空

心滾湯化下

瀉熱黃連湯 治內障有眵淚眊燥

黃芩

黃連

大黃 並酒 先

柴胡 各壹兩

升麻 伍錢

龍膽草 參錢

右每服一錢水煎午前服

千金補肝散 治目失明

青羊肝

壹具去膜薄切以火燒新瓦上炙乾

決明子

壹錢半

蓼香

壹合 令香

右為末每服方寸匕日二服久而有驗

局方菊睛丸 治脾腎不足眼花昏暗

枸杞子

肉蓯蓉

酒浸 炒

巴戟

去心各 壹兩

甘菊花

肆兩

右為末煉蜜九梧子大每服十丸空心白湯送下

真珠膏 專治眼病久不差眩眩不見物

真珠末 細研 甘菊花 為末 香豉 炒黃為末

井泉石 細研各貳錢半

右拌勻用白蜜壹合鯉魚膽壹枚同藥慢火熬成

膏入好龍腦壹錢同拌勻每用少許時時點眼中

生熟地黃散 見前

雀盲千金治雀盲方

地膚子 伍兩 决明子 壹升

右為末煮米飲和丸每服二三十丸

世傳方 治雀盲

蒼朮 米泔浸去皮切片焙肆兩

右為末豬肝貳兩批開摻藥在內用麻絲紮定以

粟米壹合水壹碗砂鍋內煮熟熏眼候温臨卧每

服叁錢大効

聖惠方 治雀盲不計時月用蒼朮壹兩為末每服

壹錢

復明散 治小兒每至日暮即不見物乃雀目也

蒼朮 米泔浸刮去皮剉片焙乾貳兩 穀精草 壹兩

地膚子 决明子 黃芩 各半兩

右件搗羅爲細末每服壹錢水捌分入荆芥少許煎五分去滓溫服食後

眼白多 初虞世曰眼白多多屬虛山茱萸丸主之

山茱萸 貳兩 熟地黄 牡丹皮

牛膝 茯苓 澤瀉 各壹兩

鹿茸 半兩

右爲末煉蜜丸如梧子大食後鹽湯下二十丸

薛 一小兒白睛多吐痰發搐先用抑青丸四服而痰

搖止後用地黃丸年許而黑睛多 一小兒白睛多

三歲不能行語聲不暢兩足非熱則冷大便不實朝

用補中益氣湯加五味子乾山藥以補脾肺夕用地

黃丸加五味子牛膝鹿茸補肝腎不三月而瘥 一

小兒眼白腿軟兩足熱面似愁容服地黃丸兩月餘

漸健服年餘白睛漸黑出痘無恙

通睛 湯氏牛黃丸 治小兒通睛皆因失候築打觸

着頭面額角兼倒撲令兒肝受驚風遂使兩目闔

睛名曰通睛宜服此

牛黃 白附子 炮 肉桂

全蝎 芫蕪 石膏 煨各壹錢

白芷 朱砂 各貳錢研 藿香 半兩

麝香 壹分

右為末煉蜜丸如芡實大三歲已下每服壹丸薄荷湯下乳食後忌油麵豬肉

眼翳 一小兒雀盲眼割服煮肝丸而目明服四味

肥兒丸而目不割 一小兒發搐目割屬肝膽經風

熱先用柴胡清肝散治其肝後用地黃丸補其腎而

愈 一小兒因驚眼割或搐先用加味小柴胡湯加

蕪荑黃連以清肝熱又用六味地黃丸以滋腎生肝

而痊 一小兒兩目連割或色赤或時拭眉此肝經

風熱欲作肝疳也用四味肥兒丸加龍膽草而瘥

目睛睜動

目直

目動 俱見驚搐明

胎黃 見初生門

胡黃

具味主門

目腫

具味主門

目痛

目翳

小便不通

曾嬰兒小便不通者有陰陽二證陰閉者為冷濕乘
 虛入裏因而不通名曰陰閉以白芍藥湯加南木香
 及用炒鹽以絹帕兜令帶熱熨臍四圍併投五苓散
 入靈砂末鹽湯空心調服其效尤速陽閉者因暴熱
 所逼澁而不通名曰陽閉又有癃閉與淋不同內經
 宣明五氣篇曰膀胱不利為癃蓋癃者乃內臟氣虛
 受熱壅滯宣化不行非澁非痛但閉不通腹脹緊滿
 但以呔咀五苓散加車前子燈心之類及投木通散

玉露飲益元散皆可用之或貼薑豉餅於臍上取效不拘陰陽二證悉能療之併與萬安飲尤妙薛東垣云小便不利有在氣在血之異夫小便者足太陽膀胱之所主長生於申申者金也金能生水肺中伏熱水不能生是絕小便之源也治法用清燥金之正化氣薄之藥茯苓豬苓澤瀉琥珀燈心通草車前瞿麥篇蓄之類皆為淡滲能泄肺中之熱而滋水之化源也若不渴熱在下焦是熱澁其流而溺不泄也須用氣味俱厚陰中之陰藥治之二者之病一居上焦在氣分而必渴一居下焦在血分而不渴血中有濕故不渴也二者之殊至易分別耳竊謂前證若津液偏滲於腸胃大便瀉利而小便澀少者宜分利若熱蘊於下焦津液燥而小便不行者宜滲泄若脾胃氣澀不能通調水道者宜順氣若乳母肝心二經有熱者用梔子清肝散肝經怒火者用柴胡梔子散若因父母曾服燥劑而致者用四物麥門甘艸數而黃者用四物加山茱萸黃蘗知母五味麥門肺虛而短少者用補中益氣加山藥麥門陰挺痿痺而頻數者用地黃丸熱結膀胱而不利者用五淋散脾肺燥不能化生者用黃芩清肺飲膀胱陰虛陽無以生而淋瀝

者用滋腎丸若膀胱陽虛陰無以化而淋瀝者用六味丸若因乳母厚味酒麵積熱者用清胃散五淋散仍參諸淋覽之 一小兒十四歲肢體倦怠發熱晡熱口乾作渴吐痰如湧小便淋瀝或面目赤色躁不欲衣此稟賦腎虛陰躁也用補中益氣湯加減八味丸而愈 一兒五歲小便不利用五苓散分利澹泄之藥益加不通小便陰囊漸腫先兄謂前藥復損真陰也用六味丸料加牛膝肉桂車前子佐以補中益氣湯而痊 一兒八歲先小便澀滯服五苓散益甚加木通車前之類腹脹吐痰加枳殼海金沙而胸滿陰腫徧身發浮余用六味丸煎送滋腎丸而痊此皆稟父氣所致其作烈熱痰氣治之而歿者多矣 一兒八歲先因小便黃赤服五苓導赤等散後患便血余以為稟賦虛熱也用六味丸及補中益氣湯而痊

錢捻頭散 治小便不通

玄胡索

川苦棟

各等分

右同為細末每服半錢或一錢捻頭湯調下量大小

小多少與之食前服

捻頭湯即沸湯中滴油數點是

湯木通散 治心經伏熱小便不通啼叫

木通

壹兩

牽牛子

炒半兩

滑石

壹兩

右為末燈心蔥白水煎服

冬葵子散 治小兒腹急悶

冬葵子 壹兩 木通 兩半

右為末每服壹錢水煎

張葵石散 治小便不通悶亂者

葵根 壹握 滑石 木通 各壹兩

牽牛子 半兩炒

右件搗為麤末每服壹錢以水壹大盞入燈心蔥

白各少許煎陸分去滓放溫服乳合前

車前散 治熱盛積於小腸甚則尿血

牡蠣 燒為粉 半兩 車前子 甘草 炙微黃 到

川朴硝 各壹分

右件藥搗羅為散每服壹錢以水壹小盞煎至五

分去滓溫服不拘時量兒大小加減

芩黃散 治臟腑有熱小便澁兼大便不通

芩窮 壹兩 川大黃 到微 郁李仁 湯浸去皮微炒

各半 錢半

右件搗羅為散每服壹錢以溫水調下量兒大小

加減

朱砂丹 治證全前

朱砂細研水飛

續隨子各半兩

膩粉壹錢

右件藥都研令勻煉蜜和如黍米大每服七粒以溫水下量兒大小加減乳食後

朱砂散 治心神煩躁小便赤澁不通

朱砂壹兩另研細

滑石

犀角屑各半兩

黃芩

甘草炙微赤剉

車前子各半錢

右件藥搗羅為散入朱砂同拌勻每服半錢煎竹葉湯調下食前

曾白芍藥散見疝

五苓散見驚

玉露飲

益元散

萬安飲俱見積熱

木通散見驚

清肺散 治渴而小便閉或黃或澁

五苓散加琥珀半錢

燈心

通草

車前子炒各貳錢半 瞿麥半錢

木通

篇蓄各壹兩半錢半

右為麤末每服參錢水煎食前服

六一散

治蘊熱咽乾口燥大渴引飲心忪面熱

煩躁不寧目赤睛疼或咽舌生瘡小便赤閉或熱淋血淋

車前子

瞿麥炒

大黃麴裏煨

山梔

滑石

篇蓄

木通

甘草 各壹兩

右為末每服貳錢入燈心水煎食前服

梔子仁散 治小便不通臍腹脹悶心神煩熱

梔子仁 伍枚

茅根

冬葵子 各半兩

甘草 炙貳錢

右為末每服壹錢水煎空心服

滋腎丸

梔子清肝散

柴胡梔子散

即柴胡清肝散三方並見發熱

淋

曾巢氏病源曰諸淋皆腎虛所致腎與膀胱為表裏至水下入小腸通於胞行於陰而為溲腎氣通於陰下流之道也淋有五名曰膏曰冷曰熱曰血曰石各具于後 膏淋見小便有肥脂似膏而浮於小便之上此腎虛不能制其肥液而下行也 冷淋先戰慄而後小便此亦腎虛而下焦受冷冷氣入胞與正氣交爭故小便澀而戰慄 熱淋下焦有熱熱氣傳於腎流入於胞其溺黃多而澀間有鮮血而回來者

淋

力斗二

百三十一

血淋熱之極也心者血之主外行經絡內行臟腑熱
盛則失其常道心與小腸為表裏故下流而入於胞
則為血淋 石淋腎主水水結則化為石腎為熱所
乘遇小便則莖中痛不得流利痛引小腹則沙石從
小便出甚至塞痛令人昏悶遍身有汗而後醒此痛
之使然蓋五淋者雖曰腎虛所致然小腸為受盛之
府氣通於膀胱膀胱為津液之府氣通於腎餘化下
流而不通皆曰腎氣不足熱入膀胱水道澀而不利
出入起數臍腹急痛蘊作有時或如豆汁膏血並以
局方五淋散下龍腦雞蘇丸自然平愈及香芎丸補

腎地黃丸與之疎導補益為上

薛夫小兒諸淋者

腎與膀胱熱也二經相為表裏俱主水道水入小腸
下行於胞則為溺若膀胱熱則津液內涸水道不通
腎氣熱則小便淋瀝或少腹引臍而痛夫淋有五石
淋者腎熱化石內塞水道痛引膀胱氣淋者肺氣壅
熱小腹脹滿小便澀滯熱淋者三焦有熱傳入腎膀
胱流入于胞小便赤澀血淋者心熱血散失其常經
溢滲入胞寒淋者膀胱氣冷與正氣交爭寒戰氣解
是也亦有因妊母肝熱及乳母恚怒者當分五臟蓄
熱治之若心藏有熱者導赤散加黃連肝藏有熱者

柴胡梔子散大便不通瀉青丸脾藏有熱者瀉黃散
脾氣不足者異功散脾氣下陷補中益氣湯肺藏有
者瀉白散肺氣虛熱異功散加炒黑山梔腎藏有熱
者地黄丸或因乳母肝經熱者用梔子清肝散恚怒
者用柴胡清肝散乳母厚味者用加味清胃散心小
腸熱者用清心蓮子飲或兒早近色慾小便澁滯或
作痛及更去後大小便牽痛者皆屬肝腎不足也用
六味地黄丸補中益氣湯加牛膝車前肉桂未應當
參五臟所勝不可輕用滲泄寒涼之藥大損胃氣仍
參前小便不通證覽之 一 小兒小便不通服五苓

之類不應頰間及左腮色赤乃肝腎虛熱也用四物
山梔及地黄丸而愈後因感冒誤汗小便仍不利余
用補中益氣湯加麥門五味而安 一 小兒小便不
利莖中澁痛時或尿血此稟父腎熱為患也先用五
淋散以疎導又用滋腎丸地黄丸補肝腎漸愈後出
痘色紫小便短赤頰間右腮或赤或白用補中益氣
湯六味地黄丸前證並愈 一 丹鄭庶使之子年十六
初生七箇月患淋病五七日必一發其發則大痛水
道狀如黍如粟者約一杯許然後定診其脉輕則澁
重則弦視其形瘦而長其色青而蒼意其父必因多

服下部藥遺毒在胎留於子之命門而然遂以紫雪和黃蘗末九桐子大晒極乾熱湯下百丸以食物壓之又半日痛大作腰連腹水道乃行下如黍如粟者一大碗許其病減十分之八後又與陳皮壹兩桔梗木通各半兩作一貼與之又下如黍粟者一合許而安父得燥熱且能病子况母得之者乎予書此以證東垣紅瘤之事此亦熱在血分也

五淋散

赤茯苓 去皮

赤芍藥 炒

山梔子 去殼

甘草 生

當歸 去蘆

黃芩 炒

車前子

淡竹葉

燈心

木通 去皮節

滑石 水飛

葵子

苧蘆 炒

右咬咀用葱白壹莖水煎入車前草杵搗取汁用五苓散調化食前服或硝石末調化服 白淋白茅根燈心煎湯服 有氣淋小腹脹滿尿後有餘瀝木通煎湯服 熱淋小便赤而淋瀝臍下痛新水煎服或黃芩煎湯服 石淋莖內痛尿澁有砂石令人悶絕滑石膈紙炒焦為細末葵子煎湯服局方五淋散 治膀胱有熱水道不通淋瀝不出或

淋

力十一

頁三

尿如豆汁或成砂石或如膏或熱拂便血

赤茯苓 陸錢

當歸

甘草 各伍錢

赤芍藥

山梔子 各貳錢

右咬咀每服參錢水壹小盞入燈心煎服

導赤散 治小兒血淋

生地黄

木通 各貳錢

黃芩

甘草

生用 各壹錢

右為末每服壹錢井水入燈心煎服仍以米飲調

油髮灰空心灌下

葵子散 治小兒諸淋

葵子

車前子

木通

桑白皮 炒

瞿麥

赤茯苓

山梔子

炙甘草 各等分

右水壹盞煎服

香芩丸

治諸淋證若患風閉尤効

淨香附

鹽水炒

川芎

赤茯苓

去皮 各半兩

海金沙

滑石 各壹兩

枳殼

泡去瓢 麩炒黃

澤瀉

石葦

去老梗 取葉

檳榔

不過火 各貳錢半

右剉晒為末糯米粉煮為清糊丸麻仁大每服三十三丸至五十五丸或七十七丸並用麥門冬熟水空心送下若小便澀痛滴三五點者取流水用

火微温入鹽少許調勻空心嚥下

木通散 見驚

清心蓮子飲 治小兒上盛下虚心火炎上口苦咽乾煩渴微熱小便赤澀或欲成淋並宜服之

黃芩

車前子

甘艸 炙

麥門冬 去心

地骨皮 各半兩

黃芪 蜜炙

白茯苓

石蓮肉 去心

人參 各柴錢半

右剉碎每服伍錢水壹盞煎至六分去滓食前服如發熱加柴胡薄荷

金沙散 治小便淋瀝不通

鬱金

海金沙

滑石

甘草 各等分

右為末每服壹錢煎地膚子湯調下燈心木通亦可

又方 冬瓜最治實熱小便不通內熱口渴

立効散 治小兒諸淋不通莖中作痛

木通

甘草

王不留行

胡荽

滑石

海金沙

山梔子

檳榔 各等分

右每服壹錢水煎

治血淋神效方

紫草

連翹

車前子

各等分

水煎服

又方

海螵蛸

生地黄

白茯苓

右等分爲末栢葉車前草煎湯調下

治氣淋

赤芍藥

壹兩

檳榔

壹枚
麩裏煨

右爲末燈心同棗子煎湯調下

張石鷲丹

治小便淋澀痛悶

石鷲

燒赤醋淬
放冷細研

瞿麥

滑石

各壹兩

木通

剉

海蛤

細研各
半兩

右件搗羅爲細末煉蜜和如黍米大每服拾粒以葱白湯下食前量兒大小加減

石葦散

治諸淋澀水道中痛臍下妨悶

石葦

去毛
壹兩

冬葵子

木通

剉

赤茯苓

各半
兩

車前子

瞿麥

榆白皮

滑石

甘草

各貳錢半

右件藥搗羅爲散每服壹錢以水壹小盞入葱白五寸煎至陸分去滓溫服如人行十里再服量兒

大小加減

葵子散 治腎熱水結化為石淋甚者水道中澀痛

不可忍

冬葵子 壹兩

石楠

榆白皮 剉

石葦 去毛

木通 剉各半兩

右件藥搗羅為散每服半錢以葱白湯調下日二

服量兒大小加減

滑石散

滑石

蓀蘆根

石葦 去毛各等分

右件藥搗羅為散每服半錢煎大麥飲清調下日

二服量兒大小加減

蒲黃散 治膀胱熱甚血淋水道澀痛

蒲黃

冬葵子

生地黄 各半兩

右件藥搗羅為細末每服壹錢以水壹大盞煎至陸分去滓溫服量兒大小加減

木 切料二 百六

對分去鞞盛尿量良大小吐涎
或升藥匙鞞為味末再煎壹匙以水壹大盞煎至
消 蕪黃
蕪黃 參 茯苓
蒲黃 芩 薊 熟 葶 藶 木 薑 薑 蘇
二 煎 量 尿 大 小 吐 涎

遺尿

原病式云遺尿不禁者為冷內經云不約為遺溺仁
齋曰小便者津液之餘也腎主水膀胱為津液之腑
腎與膀胱俱虛而冷氣乘之故不能拘制其水出而
不禁謂之遺尿睡裏自出者謂之尿床此皆腎與膀
胱俱虛而挾冷所致也以雞腸散主之亦有熱客於
腎部干於足厥陰之經挺孔鬱結極甚而氣血不能
宣通則痿痺而神無所用故液滲入膀胱而旋溺遺
失不能收禁也 薛氏用六味地黃丸脾肺氣虛者

用補中益氣湯加補骨脂山茱萸 曾氏謂乃心腎
傳送失度小腸膀胱關鍵不能約束有睡夢而遺者
皆是下元虛冷所致亦因稟受陽氣不足用三因方
家韭子丸治之及參苓白朮散補腎地黃丸然又當
實土以存水乃免滲泄之患所謂補腎不如補脾是
也平胃散倍加益智仁剉碎薑棗燒鹽煎空心溫服
鷄腸散

鷄腸

壹具男用雌雞女
用雄雞燒存性

牡蠣

茯苓

去皮

桑螵蛸

炒名
伍錢

桂

去粗皮

龍骨

各貳錢半

右為極細末仍以雞脍壹具雞腸壹具燒存性
研極細末每用前藥末壹錢用溫酒調化食前服
張雞腸散 治因膀胱有熱服冷藥過多小便不能
禁止或遺尿病

雞腸草

龍骨

麥門冬

去心

白茯苓

桑螵蛸

各半兩

牡蠣粉

柒錢
半

右件藥搗為麤散每服壹錢水壹小盞入生薑少
許棗貳枚煎至陸分去滓溫服量兒大小加減
按此與前方蓋一方而傳寫之訛竊詳用鷄腸較
是而張氏婁氏薛氏皆主用草今兩存之

遺尿
益智丸 治脾腎虛熱心氣不足遺尿白濁

益智仁

茯苓

茯神

各等分

右為末煉蜜丸桐子大每服五六十九空心白滾

湯下

破故紙散 治膀胱虛冷夜間遺尿或小便不禁

用破故紙為末每服壹錢熱湯調下

又方 破故紙炒為末黃蘗湯調下

外臺療小兒睡中遺尿不自覺桂末雄雞肝等分搗

丸如小豆大溫水下日三服

初虞世治小兒遺尿意苡仁壹合去心不去殼敲碎

入鹽一小撮同炒黃色用水二鍾煎至半鍾空心

服之累効

三因家韭子丸

方見雜病小便不禁

古為木煉質丸...
 湯下...
 故紙...
 用破故紙為...
 三因家韭干...
 如之累...
 人鹽...
 小便...
 煎至半...

尿白便濁

仁齋曰小兒尿白如米泔狀由乳哺失節有傷於脾
 致令清白不分而色白也久則成疳此亦心膈伏熱
 兼而得之全嬰方云小便初出微赤良久白濁者乃
 熱疳之邪也初出黃白久白濁者乃冷疳之候也冷
 者益黃散主之熱者牛黃丸主之冷熱者蘆薈丸主
 之純下白濁者厚朴丸主之諸失津液欲成疳而小
 便白者茯苓散主之 薛氏曰小便如泔或良久變
 白亦有脾虛食積濕熱下注者先用茯苓散五七服

次用四味肥兒丸若乳食少思或肚腹脹大小便頻
數此脾虛元氣下陷也朝用五味異功散夕用四味
肥兒丸若肥體色黃小便不調髮黃脫落鼻下瘡癩
嗜土少食大便青褐者用梔子茯苓湯仍審其乳母
飲食七情治之 一小兒發熱懶食小便良久變白
余用四味肥兒丸即愈或誤以為積熱用清涼祛逐
之劑形體頓弱虛證悉至小便如疳用補中益氣湯
及四味肥兒丸而愈 一小兒面色痿黃眼胞微腫
作渴腹脹飲食少思小便澄白大便不實此脾疳之
證也用四君子加山梔蕪荑兼用四味肥兒丸而愈

一小兒白濁兩耳內耳外生瘡膿水淋漓用大蘆
薈丸而愈後遍身如疥肌體消瘦發熱作渴大便酸
臭小便白濁用九味蘆薈丸五味異功散而愈 一
小兒白濁發熱口乾體瘦骨立余謂腎經虛羸朝用
補中益氣湯夕用六味地黃丸而愈後兩目或生白
翳面黃浮腫小便仍白此變肝脾疳證用四味肥兒
丸月餘漸瘥

益黃散

方見脾臟

牛黃丸

方見疳積

蘆薈丸

方見疳

君朴丸

治小兒小便白濁久則黃瘦不長肌肉

厚朴

史君子

煨去殼

厚朴

製

黃連

各壹兩

木香

叁錢

右為末蒸餅糊丸桐子大每服壹貳拾丸米湯下

茯苓散

治乳食傷脾或心經伏熱小便白濁

三稜

煨

蓬莪茂

煨

砂仁

赤茯苓

各半兩

青皮

陳皮

滑石

甘草

各壹錢半

右為末每服壹錢燈心湯調下

三稜散

治小兒尿白久則成疳宜補脾消食化積

三稜

炒

蓬莪茂

炒各壹兩

益智仁

甘草

神麴

炒

麥芽

橘皮

各半兩

右為末每服壹錢白湯點下

清心蓮子飲

見前

又方結用大甘草頭煎湯服

梔子茯苓湯即大蕪荑湯

方見疳

香砂丸

治嬰孩小便白濁

香附子

炒壹兩

縮砂

去殼伍錢

三稜

煨

蓬莪茂

煨

陳皮

麥蘖

炒

蘆薈

各伍錢半

方科二

百九

百九

右為極細末煮麵糊丸如黍米大用米飲鹽湯食前服

香附子 炒 兩 附子 去毒 兩 三 蘇 湯 下

香附子 炒 兩 附子 去毒 兩 三 蘇 湯 下

附子 炒 兩 附子 去毒 兩 三 蘇 湯 下

附子 炒 兩 附子 去毒 兩 三 蘇 湯 下

附子 炒 兩 附子 去毒 兩 三 蘇 湯 下

附子 炒 兩 附子 去毒 兩 三 蘇 湯 下

附子 炒 兩 附子 去毒 兩 三 蘇 湯 下

附子 炒 兩 附子 去毒 兩 三 蘇 湯 下

疝

曾按內經大奇論曰腎脉大急沉肝脉大急沉皆為疝證心脉搏滑急為心疝肺脉沉搏為肺疝蓋疝者寒氣結聚之所為故令臍腹絞痛者是也又巢元方曰諸疝者陰氣積于內復為寒氣所傷榮衛不調二氣虛弱風冷入腹而成故脉經云急者緊也緊則為寒為實為痛血為寒泣音澁則為瘦氣為寒聚則為疝皆因本臟氣虛外感於寒濕內傷於生冷遂使臍腹絞刺激搏而痛無有定處倉卒之際不堪忍者謂之

力斗二
疝

疝也並宜先用五苓散沸湯調服和解輕則但以白芍藥湯烏梅散釣藤膏爲治重者金茱丸散氣丸未有不愈也

仁齋癩疝者陰核氣結腫大而釣痛也多因小兒啼怒不止動陰氣故陰氣下繫結聚不散而得之或胎婦啼泣過傷令兒生下小腸氣閉亦變此證惟是陰氣不得流行加以風冷入焉白水聚焉故水氣上乘於肺先喘急而後疝痛其狀有如李者亦有稀軟者亦有并腎腫大者亦有大硬者臍下痛楚皆不能忍用藥行心氣逐腎邪利其大小二便更無補法

薛小兒陰腫疝氣者多屬肝腎氣虛及坐卧寒濕之地或風邪所傷血氣相搏或啼叫氣逆水道不行或稟父肝經虛熱或妊娠肝氣鬱結或乳母怒動肝火而致者若兒肝經熱用梔子清肝散兒啼躁怒用勻氣散乳母恚怒用柴胡清肝散肝火氣逆用加味道遙散小腹作痛小便澁滯用龍膽瀉肝湯久坐冷地小便不利用四苓散加柴胡山梔車前子不時寒熱者加味小柴胡湯經云肝氣熱則莖痿宗筋弛縱腎莖腫脹或出白液痒痛或裏急筋縮挺縱不收或精隨便下者此名筋疝俱屬肝火不係於腎宜詳治之

茱萸內消丸 治小兒陰癩偏大上攻臍腹疔痛膚
囊腫脹或生瘡瘍時出黃水

川棟子 炒壹兩半 大腹皮 五味子

海藻 洗 玄胡索 各壹兩 貳錢半 桔梗

青皮 山茱萸 去核 各壹兩 木香 朱錢半

藜香 炒 桂心 川烏頭 炮去皮臍

吳茱萸 桃仁 麩炒 另研 食茱萸 各伍錢

右為細末酒糊為丸如麻子大每服參拾丸空心
溫酒送下

當歸散 治小兒癩疔

牽牛 微炒 取仁 辣桂 各半兩 當歸

大黃 各貳錢半 全蝎 壹錢半 桃仁 湯泡去皮 尖貳錢半

右剉碎每服三錢水一鍾入蜜半匙煎至五分食
前服以利為度

川棟丸 治小兒癩疔小腹痛引腰脊攣曲身不能
直

木香 檳榔 三稜

蓬莪茂 炮 青皮 去白 陳皮 去白

川棟肉 芫花 米醋浸炒 各半兩 辣桂

牽牛 生取仁 各叁錢 巴豆 不去油 壹錢

右為細末飛麵糊為丸如麻子大每服參丸空心
用生薑湯送下

五苓散 方見驚搖

曾白芍藥湯 治冷疝腹痛及誤汗誤下即壞證傷
寒是也並宜先服次投對證之劑

白芍藥 壹兩 去粗皮 澤瀉 柴錢半 去粗皮 甘艸 貳錢 炙

薄桂 壹錢半 去粗皮

右件咬咀每服貳錢水壹盞煎柴分空心溫服誤
汗誤下加人參南木香各貳錢臍下痛入生薑及
鹽同煎或加釣藤亦好

烏梅散 治腹疼及初生嬰孩臍下冷痛疝氣等疾

烏梅 去核 玄胡索 粉草 半生半炙 各伍錢

乳香 沒藥 釣藤 各貳錢半

右件咬咀每服貳錢水壹盞煎柴分空心溫服
金鈴散 治疝氣腹痛投諸藥後瘡而復作宜服

金鈴子肉 陸錢 三稜 炮剉 莪茂 醋煮剉

青皮 去白 陳皮 去白各 貳錢半 赤茯苓 去皮

懷香 各半兩 南木香 貳錢 甘草 炙肆錢

檳榔 枳殼 去瓢麩 炒黃 釣藤 和鈎 各叁錢

右除檳榔木香不過火餘剉焙仍同檳榔木香為

末每服半錢至壹錢仍用炒穰香煎無灰酒空心
調服不飲酒者煎炒穰香湯調下

釣藤膏 方見夜啼

金菜丸 治冷疝氣痛及膚囊浮腫

金鈴子肉 壹兩

家園茱萸 半兩

右研末酒煮麵糊丸麻仁大每服三十九至五十
丸空心溫鹽湯下溫酒亦可見小者丸粟粒大丸
數下法同前

散氣丸 理諸疝氣小便利或不通臍下作痛不可
忍者

海藻 湯浸洗柴
次焙乾 澤瀉 去麁皮

穰香 炒

車前子 焙

蘿蔔子 瓦上慢
火乾焙

川棟肉 用蟹螯
致枚去

翅足同炒少
時去蟹螯

大腹皮 淨洗焙乾
各壹兩

右剉焙為末酒煮麵糊丸菜豆大每服叁拾丸至
五拾丸南木香煎酒空心下或防風牡丹皮煎酒
下不能飲者於木香湯防風丹皮湯中各少入酒
並空心投亦可再用鹽炒穰香煎湯尤妙

湯治小腸疝氣家傳妙方

芫花 醋浸炒

木香

檳榔

三稜 各半兩

茯苓

青皮

全蝎

各貳錢半

桂枝

附子

右為末將硃砂浸澄去土頓在湯瓶上候成膏子和糖醋打麵糊為丸如豆大每服叁拾丸空心温酒下未効再服

勻氣散 主調補通利後及冷疝腹痛氣滯不和

桔梗 貳兩剉炒 陳皮 去白壹兩 縮砂仁

懷香 各半兩 白薑 貳錢半 粉草 肆錢

右剉焙為末每服半錢或壹錢空心沸湯調服冷疝腹痛燒鹽湯調下

木香飲 治小兒小腸氣痛

川棟肉 拾箇用巴豆米粒同炒令黃色去巴豆不用入懷香半兩

玄胡索 半兩 南木香 貳錢 史君子 去殼枚

右為極細末用米飲食前調服

梔子清肝散 柴胡清肝散 二方並見發熱

龍膽瀉肝湯 治肝經濕熱不利下部生瘡兩拘腫

痛或腹中作痛小便澀滯等證

龍膽草 酒拌炒黃 澤瀉 車前子 炒

木通 生地黃 酒拌 當歸 酒拌

山梔 黃芩 炒 甘艸 各叁分

石水煎食前服

散即五苓去桂

胡湯 方見發熱

支使索

半兩

沙小香

有

史葶子

夫

川刺肉

色

去

肥

人

治

香

十

代

大青

小泉

小

小

小

小

小

小

小

陰腫

全嬰方云小兒陰腫核腫者由兒啼怒氣逆不順乘
虛而行陰核偏大又因甘肥不節生冷過度致生疳
氣氣結不行流入陰中或傷暑毒或觸風邪使血氣
與邪氣相搏停結不散則成陰腫也 仁齋云若腎
經氣虛或坐石不起冷氣凝之或近地經久風邪濕
氣傷之不為陰腫幾希矣間有啼叫怒氣閉繫於下
結聚不散加以水竇不行亦能發為此疾治用桃仁
丸主之丹溪謂脫囊腫大墜下不收用紫蘇莖葉為

末水調荷葉包之一人傳此方用野白紫蘇為末濕則摻之乾則香油調傅雖皮潰子墜皆有神効此用紫蘇蓋亦同功也

曾巢元方論曰諸筋會于陰器邪客於厥陰少陰之經與冷氣相搏則陰囊腫痛而引縮經中雖分四證曰腸癩氣癩水癩卵癩然小兒患此若治之不早則成痼疾如腰曲腹痛冷汗自出而陰囊二子弔縮入腹痛止方出名為內弔用烏梅散勻氣散金菜丸金鈴散為治

有陰莖全縮不見有陰囊光腫不痛此因肝腎氣虛宜以橘子仁煎湯調下金鈴散勻氣散皆可投之內經曰癩瘡疔膚脹

者陰亦盛而脉脹不通故曰癩瘡疔疔是觀之乃陰氣盛而致有此弔縮者筋急也筋遇寒則引縮遇熱則弛張故三因所用方法以寬小腸氣疎風為治然小兒此證多因坐陰潤之地感風濕而得用當歸散加檳榔蒼朮水薑煎服并青木香湯釣藤膏外以立消散傅之

有外腎無故而膚囊腫大不燥不痛光亮如吹此名氣虛所致以勻氣散調治三因方家非子丸主之

一證外腎膚囊赤腫通明及女兒陰戶腫脹乃心熱之所傳皆以木通散導赤散為治或用薏苡仁煎湯調五苓散及以外消散傅之併投天花

散用無灰酒煎下不能飲者水煎少入酒同服亦好
張渙曰小兒足少陰之經虛而受風邪者衝於下經
則成陰腫病桃仁丹主之

桃仁丹

桃仁

柴錢半湯浸去皮尖
雙仁者麩炒微黃

牡丹皮

白蒺藜

微炒
去刺

桂心

各半
兩

郁李仁

貳錢半
湯浸去

皮微
炒

右件藥搗羅為細末煉蜜和黍米大每服拾粒以
溫酒下乳食前量兒大小加減亦可水煎服

胡連散

治陰腫生瘡

胡黃連

去鬚

胡粉

各半
兩

白礬

枯
貳錢半

湯小兒陰腫由啼叫怒氣閉縱於下成此疾宜
右搗羅為細末每用少許以生油調塗患處

海蛤散

海蛤

叁錢

藜香

炒柴
錢半

薏苡仁

白朮

檳榔

各半
兩

右為末食錢溫酒調下大小加減

桃仁丸

桃仁

去皮尖麩
炒叁錢

桂枝

去皮

牽牛

炒頭末

蒺藜

牡丹皮

各貳錢

右為細末煉蜜丸如黍米大用青皮木香蔥白入鹽少許同煎湯食前服

三白散 治小兒解初中腫疾四肢皮膚囊浮脹大小便不利皆因膀胱蘊熱風濕相乘

桑根白皮

炒

白朮

木通

去皮節

陳皮

去白

白牽牛

半生半炒

甘草

炙各伍錢

右咬咀用水煎食前服

丹脫囊即外腎腫大

木通

甘草

當歸

黃連

黃芩

右水煎服

錢蛭蚓散

治腎子腫硬成疝用乾蛭蚓為末唾調

傳常避風冷濕地

先用花椒蔥湯避風處洗却用此傳之累驗

世治小兒囊腫如升用甘艸煎汁調地龍末塗之立

退累効

傳藥方

牡蠣粉

貳分

乾地龍

煨末壹分

右用津唾調敷外腎熱者雞子清調敷

牡蠣散 治小兒外腎腫大莖物通明

用牡蠣粉研十分細先以唾津塗腫處次以牡蠣

粉摻

又方 治小兒卵腫研桃仁唾調敷

彈烏梅散

勻氣散

金菜丸

金鈴散

方並見症

當歸散 見痢

牡蠣大黃湯 治三五歲小兒感受溫濕之氣侵襲

膀胱致陰莖膚囊浮腫作痛

牡蠣 用熟黃泥包裏炭火煨透出地上候冷用

大黃 紙裹水浸透煨過候冷用貳味各壹兩

右剉研為末每服壹錢無灰溫酒空心調服不能飲者溫湯調少入酒同服

青木香湯 治小兒陰莖無故而腫或痛縮因陽明

經有風熱濕氣相搏法當寬此一經自愈蓋陽明

受病不能養其宗筋故也咳嗽痰喘亦宜服之

青木香 去蘆

枳殼 浸去穰麩炒各半兩 甘艸 貳錢半

右每服貳錢水壹盞煎七分不拘時溫服

立消散 治膀胱久受熱毒致陰器膚囊赤腫脹痛

赤小豆

赤芍藥

生枳殼

商陸

風化朴硝

另研後入各半兩

右件不過火剉晒為末栢枝煎湯候冷調貳錢或參錢塗腫處仍服吹咀五苓散加車前子薏苡仁

水煎

木通散

見驚

天花散 治外腎膚囊腫痛

天花粉

貳兩

甘草

叁錢

右到每服貳錢無灰酒壹盞煎七分空心溫服不能飲用水煎少入酒同服

偏墜

田小兒狐疝氣偏有大小時時上下者蜘蛛拾肆枚熬焦桂枝半兩二物為散每服八分日再酒調下蜜丸亦通

黑散

黃連

黃檗

各貳錢

黃芩

大黃

右同燒存性為極細末雄豬膽汁蜜同調傅

繫偏墜亦宜防葵丸令兒坐於土中午時灸印下偏墜

備墜之處七壯防葵丸未詳

小兒偏墜若非胎中所有在後生者於莖下腎囊前中間弦子上灸七壯立愈

明胎產疝卵偏墜 囊縫後十字紋上灸三壯春灸夏瘥

夏灸冬瘥

陰瘡

臘茶散 治小兒陰囊生瘡疼痛水出久不瘥

臘茶 五倍子 各伍錢 膩粉 少許

右為末先用葱椒湯洗後用香油調敷

一方 治陰囊生瘡疼痛

右先用川椒荆芥槐枝柳枝蛇床子煎湯洗後用朴硝為末雞子清調敷

一方 治陰生瘡膿水不乾

右用烏鰂魚骨為細末乾摻患處

一方 用紫蘇葉煎湯淋洗及作細末摻之妙

一方 治小兒陰生瘡不乾

右用輕粉蜜陀僧為末貼之如痒加山梔子訶子
燒存性研同前藥為末先將米泔水洗淨然後敷
貼此藥

不寐

薛經曰陽明胃脉也胃者六腑之海其氣亦下行陽
明逆不得從其道故不得卧也又曰胃不和則卧不
安夫人身之衛氣晝則行於陽夜則行於陰陽主動
陰主靜寤則魂魄志意散於腑臟發於耳目動於肢
體而為人身指使之用寐則神氣各歸五官而為默
運之妙矣若脾胃氣盛則腑臟調和水穀之精各各
融化以為平和之氣若胃氣一逆則氣血不得其宜
腑臟不得其所不寐之證由此生焉當用四君遠志

酸棗仁肝腎虛熱者六味丸心血不足者真珠母丸
思慮過度者歸脾湯精神短乏者人參養榮湯病後
餘熱者酸棗仁湯膽虛不得眠者人參竹葉湯肝火
不寧者加味小柴胡湯振悸不得眠者四君生薑酸
棗仁夜啼驚哭不寐各詳別證當參求之

仲景酸棗湯 治虛勞虛煩不得眠

酸棗仁 炒壹錢 甘艸 知母 炒

茯苓 芎藭 生薑 各伍分

右水煎服

本事鼈甲丸 治膽虛不得眠四肢無力

鼈甲 酸棗仁 炒 羌活

黃芪 炒 牛膝 酒炒 人參 各壹兩

五味子 伍錢

右為末煉蜜丸梧子大每服三四十九溫酒下

聖惠治骨蒸勞熱煩心不得眠用酸棗仁叁錢水煎

熟下地黃汁一蛤蜊殼服之

本事真珠母丸 治肝膽二經因虛內受風邪臥則

魂散而不守狀若驚悸

真珠 別研細 柴錢半 當歸 熟地黃 各壹兩半

人參 酸棗仁 炒 栝子仁 各壹兩

犀角屑

茯神

沉香

龍齒

研各半兩

右為末煉蜜丸小豆大辰砂為衣每服二十九白

湯下日午夜卧各一服

人參竹葉湯 治虛煩不得眠

人參

竹葉

甘草

各貳錢

半夏

小麥

麥門冬

各壹錢五分

右每服貳參錢薑貳片粳米壹撮水煎服

人參養榮湯

見盜汗

歸脾湯

見驚悸

咽喉

心鑑咽喉為一身之總要與胃氣相接呼吸之所從出若胸膈之間蘊積熱毒致生風痰壅滯不散發而為咽喉之病喉内生瘡或狀如肉腐為腫為痛窒塞不通吐嚥不下甚則生出重舌治之尤宜先去風痰以通咽膈然後解其熱毒遲則有不救之患又有熱毒衝干上腭而生瘡謂之懸癰及腑寒亦能令人咽閉吞吐不利臨病詳審治之 咽喉之疾本傷熱毒上攻也四時受熱藏心腑之間一旦所觸上攻咽喉

所謂腎傷寒也然其證有單肉蛾雙肉蛾有重舌木
舌疔腮有懸癰腫脹有裏外皆腫甚者上攻頭面皆
腫大法先洗去口中舌上白胎其次掃去風涎如是
單雙肉蛾可針則針有不可針者則用熏摻藥退後
方依次用服藥如是木舌服藥之外仍用摻藥疔腮
則用塗藥輕者但服藥而自退不須用針及藥點其
瘡而自消也 薛小兒喉痺因膏梁積熱或稟賦有
熱或乳母七情之火飲食之毒當分其邪蓄表裏與
證之輕重經之所主而治之若左腮色青赤者肝膽
經風熱也用柴胡梔子散右腮色赤者肺經有熱也

用瀉白散額間色赤者心與小腸經熱也用導赤散
若兼青色風熱相搏也用加味道遙散鼻間色黃脾
胃經有熱也用瀉黃散若兼青色木乘土位也用加
味道遙散兼赤色心傳土位也用柴胡梔子散額間
色赤腎經有熱也用地黃丸凡此積熱內蘊二便不
通者當疎利之風邪外客而發寒熱者當發散之外
感風邪大便閉結煩渴痰盛者當內疎外解若因乳
母膏梁積熱者母服東垣清胃散若因乳母恚怒肝
火者母服加味道遙散稟賦陰虛者兒服地黃丸大
槩當用輕和之劑以治其本切不可用峻利之藥以

傷真氣也 一 小兒喉間腫痛驚悸飲水服驚風降
火之藥益甚仍欲攻風痰余曰驚悸飲水心經虛證
蓋胃為五臟之本先用五味異功散以補胃加桔梗
甘草以消毒諸證頓退後用牛蒡子湯加柴胡而愈
一 小兒發熱引冷大便黃色手足並熱不能吮乳
視口內無患捫其喉間則哭此喉內作痛乃脾胃實
熱也用瀉黃清胃二散各一劑母子並服而愈後因
乳母飲酒兒躁不安口內流涎仍用前二散而愈
一 小兒喉間腫痛發熱咳嗽大便秘結此肝與大腸
有熱也先用牛蒡子湯加硝黃一服大便隨通乃去

硝黃再劑頓愈審其母有肝火發熱用柴胡清肝散
母子並服而痊

甘桔湯 治嬰孩感冒風熱火氣熏逼痘瘡蘊毒上

攻咽喉腫痛痰氣不順咳嗽失音

人參去蘆 半兩 桔梗蜜浸炒 壹兩 甘草半生半 炙叁錢

右剉散用水煎不拘時候服

立効散 治嬰孩小兒咽喉痺痛不能吞嚥

鵬砂 龍腦 雄黃

朴硝各半 錢

右為極細末乾摻

吹喉散 治嬰孩咽喉腫痛氣塞不通

甘草 生貳錢半 朴硝 壹兩

右為極細末乾摻喉中如腫甚者用小竹管吹入喉內

牛蒡湯 主傷風發熱煩躁鼻塞氣喘痰嗽驚啼及

諸瘡赤紫丹毒咽喉腫痛

牛蒡子 參兩畧 炒細研 大黃 壹兩半 防風 去蘆

薄荷 去老梗 各壹兩 荆芥 去根梗 各肆兩 甘艸 壹兩壹錢半

右咬咀每服貳錢水壹盞煎七分無時溫服

化毒湯 解風熱上攻咽喉腫痛飲食不便

桔梗 剉炒 半兩 薄荷葉 荆芥穗

甘草 各貳錢半 山豆根 取淨皮壹錢半以

牙硝 鵬砂 朴硝

雄黃 硃砂 各貳錢以上五味乳鉢細研

右五味焙為末五味研為末同一處再研勻每用一字至半錢乾點舌上化下或以溫湯濃調少與

含嚥亦可

備急散 治小兒諸般骨哽咽喉腫痛

五倍子 壹兩 研 先春茶末 半兩

右二味和勻抄壹錢溫湯半盞調化無時少與嚥

下依法服餌不過三五次即効如骨出或刺破處
血來多者鵬砂末陸錢水煎消毒散飲調服血止
痛住腫消食進

牛蒡子湯

牛蒡子

炒杵

玄參

升麻

桔梗

炒

犀角

鎊

黃芩

木通

甘草

各等分

右每服壹貳錢水煎

拔萃桔梗湯

治熱腫喉痺

桔梗

炒

甘草

炒

連翹

梔子

炒

薄荷

黃芩

各等分

右為末每服壹貳錢水煎服

消毒飲

解急驚風毒赤紫丹瘤壯熱狂躁睡卧不

安胸膈滿悶咽喉腫痛九道有血妄行及遍身瘡

疥

牛蒡子

陸兩

荆芥穗

貳兩

甘草

壹兩

右剉每服貳錢水壹盞煎七分無時温服

柴胡飲

見積熱

東垣人參安胃散

見吐利

三因玉鑰匙

九味蘆薈丸

見疳

濟生犀角地黄湯

見吐血

五味異功散

見吐利

柴胡清肝散

見發熱

柴胡

原蘇燕

東垣入參

原世麻

木犀根有皮水壹盞煎之令無却服

半錢

兩

陳茶

兩

甘草

兩

燕

安國醋瀝因即却煎之並自血妄行及最良

散其如 雜意 煎用 其亦 煎丹 瀝其 煎其 煎其 煎其

其亦 煎丹 瀝其 煎其 煎其 煎其

蘇子

燕荷

黃苓

各半

